

Together

FOREVER

SANMENM SA BOUG AROGAN, KI OULE VIN PREZIDAN?

« James Michel pa merit krwar pour en moman ki mon en bon boug. Pour ganny sa ki nou anvi, nou pou servi nenport mwayen e fodre pa ki pour en moman, zot krwar ki zot kapab aret nou, akoz zot pou soke avek sa ki nou kapab fer, » W. Ramkalawan, Eleksyon 2011. Ti a sa menm peryod ki enn son siporter ti menase pour asasin Prezidan Michel lo Facebook.

Sete menm Ramkalawan ki ti dir ki i pou kras e k.k.. lo li. E ozordi zot pe kriye nou pou pil lo li. I ti fer son miting Arpan Ver, i ti dir dan son ladres "Seselwa i annan k.k.. dan zot latet." E sa ki i ti dir anler Les Mamelles pa zoli ditou pour pibliye akoz en pret pa dir sa bann parol, espesyalman dan piblik.

E vre Wavel a fer nenport kwa. I'n deza tap enn son koleg, e menm tyonbo devan li an piblik sa okenn

dignite son pozisyon dan legliz e koman en politisyen. I en boug ki disparet letan in ler pour travay e reaparet zis zour eleksyon pour zwe lo moral sa ki feb. I konnen akoz in dir i kont zis eroin. Akoz in deza dir legaliz lapay e lekel ki nou war apre sak eleksyon pe fer dezord? Fimer drog e lezot dimoun ki anfaver dezord e lensilt. Ki zouti ki nou'n war serten son bann siporter lev anler ? Gran kouto ek baton.

SNP i oule pil lo tou keksoz pour kraze e detri, kimanyer zot pou rekonstrir? Lekel ki perdi? James Michel? Non. Lepep Seselwa dan son mazorite e espesyalman nou bann dimoun ordiner. SNP pa pe vin donn zot welfer. SNP pa enterese ek vye dimoun. SNP ti kont SMB kon-



mela STC. SNP pa ni menm konnen kimanyer pour okip en pei ek en pep. SNP pa enterese si sa pep pou soufer. SNP set en group dimoun egois, ki konn zis zot pos. Lekel ki ti negosye gro saler MNA? Pa lot ki Wavel. Lekel ki ti vot pour en gro pansyon? Pa

lot ki Wavel? Kan eski Wavel in deza vot anfaver en Bidze? Zis ler ti pou li ganny logmantasyon dan son saler. En boug ki konn zis li.

Pandan ki Prezidan James Michel in travay pandan senk an, Wavel in dormi e la i oule vin prezidan pour li vin briz tou. Eski nou pou les li?

SI DAN SESEL I ANNAN VYOLANS, NAPA BIZNES



● *Marco Francis*

Toultan mon'n dir ki progresel i depan lo partnership ant gouvèrnman ek sèkter prive. I bezwen annan en partnership akoz tou le de i bezwen kanmarad. Sèkter prive i bezwen en gouvèrnman ki pou ekout lo son konsèrn. Ki pou enplimant bann policies pour fer marse biznes. Bann policies ki pou ed biznes pour agrandir e policies ki ankouraz zenn antre dan biznes e ed bann pti biznesmenn pour grosi. E nou bezwen en gouvèrnman ki nou kapab asiz avek e antre an dialog. Dan mon kapasite koman tyermenn Lasanm Komers Sesel pandan 3an, mon kapab dir ki ozordi nou annan sa gouvèrnman. Ozordi Lasanm Komers i annan en open dialogue avek sa gouvèrnman. Nou zwenn tou bann minis ki an relasyon ek biznes. Nou annan en platform kot nou bann konsèrn i ganny ekoute,

met devan e aksyon i ganny pran. Mon kapab dir pandan sa demyèn 3an osi, napa okenn parti politik ki'n apros Lasanm Komers pour gete ki sèkter prive i bezwen pour kontinyen devlope. Mon war ki dan sa eleksyon i annan en kantite proposals ki lopoziyon pe dir zot pou fer. Me pour nou sa i afekte nou akoz gouvèrnman pa print larzan. Propozisyon lopoziyon pa bann sound fiscal policies. I zis bann policies popilis. Lasanm Komers pe travay de pre avek Minister Finans ek IMF ki fer sir nou bann policies i soutenab. Lopoziyon pa pe anmenn policies ki pou ed biznes. Si zot in koz ek serten biznesmenn zot pa'n koz ek sèkter prive. Sa bann biznesmenn in koz pour zot personal agenda pour zot biznes. Zot pa pe get lenter biznes an zeneral pour Sesel. Ozordi Sesel i annan stabilite.

Nou annan prosperite ekonomik. Sèkter prive i bezwen stabilite e pa kapab war dezord. Enn mon manm ti telefonn mwan Dimans, pe demann mwan ki pou fer. I annan son guest ki'n vini lo emirates airline son vwazen pe zwe lanmizik vremen for, sa guset in sorti pour dir mon fek vini mon pe dormi. Zot in maltret sa touris e menm montre gran kouto ek touris. Sa latid nou pa bezwen dan Sesel i pa anmenn stabilite. I pa anmenn konfyans ki ozordi i annan avek nou bann touris. Sa bann kalite konportman ki mon'n war zis en zour i pa akseptab. Mon pe demann mon lekor ki pou arive deman si vre i annan en sanzman? Pou annan dezord. Eski pou annan vyolans? La zot pa ankor ganny laviktwar chaos pe ganny kree. En kantite biznesmenn i depan lo touris.

I POU EN POLITICAL E ECONOMIC DISASTER

Si nou elekte Wavel ek SNP dan sprosen eleksyon pour en political e economic disaster. Pran premye pwen political disaster, se ki mon'n en politisyen depi laz 18 an. Depi lendepandans an montan get byen ki nou'n fer. Mon pa krwar ki pep Seselwa pou les okenn parti politik vin deranz sa ki sa parti in fer pandan sa bann letan. Pa'n fasil pour fer tou sa bann zafer. Sa son kote politik.

Son kote ekonomik, mon dir ou sa akoz mwan mon en biznesmenn e mon konn egzaktman ki investiser ki dan sa pei e ki ti anvi investir isi i panse. Bann ki deza isi pe konmans kalkile pour sorti si nou sanz sa sitiasyon. Ler dimoun i tann lezot dir zot oule en sanzman, pa bokou zot ki realize ki kalite sanzman. Demen si sa bann investiser i sorti, pour donn en legzanp, i pran tou son avyon i ale. Tou sa bann

dimoun kot pou travay? Malgre sa, mon kapab dir ou mazoritè dimoun dan Air Seychelles in al vot pou resanz sa sitiasyon. They don't think. Zot bezwen asize pour refleksi. I pa en konser sa. I pa zis en zwa sa. Mon napa okenn problem avek kote en dimoun i oule e pa oule vote. Mon pe zis dir mon lopinyon, e an gro i pou en political e economic disaster ki mon pa krwar Seselwa tya kontan war. Mon santi ki vyolans pou annan dan pei e alor dimoun ki pa oule vyolans pour azir kont vyolans e ki normal parske noule war trankilite dan pei.

Mon mesaz se ki ozordi SNP i krwar ki zot in ganny eleksyon. Kote SNP in ganny eleksyon? Laviktwar le 5 ki'n anonse le 6 ti laviktwar Parti Lepep. Pa pou SNP. Dimoun i bezwen konpran byen sa. Nou annan en lot round pour nou al antre ladan. Mon konsèrn se

vyolans ki mon pe konmans santi. Prezidan Michel in fer kler sa. Bann politisyen Parti Lepep in fer kler sa. La mon pe profit sa lokazyon pour fer kler ki vyolans nou merit evite. Napa personn dan sa pei ki pou pare pour les SNP pran en tel redi dan semen. Pa pou arive sa. I anann en kantite dimoun dan sa pei ki'n travay dir pour anmenn sa sitiasyon kot Seselwa pe viv byen e sa bann dimoun pa pou kapab aksetpe sa bann zafer.

I annan dimoun ki pa'n anmenn son vot dan sa bwat apropiye akoz fristrasyon. Nou bezwen konsider sa bann zafer dan en fason realistik. I pa lafot parti ni gouvèrnman me mon krwar i lafot serten dimoun ki pa'n delivre, ki fer krwar ki zot in delivre me pa'n delivre. Mon fran e mon pou dir sa gouvèrnman in fer byen tou dilon. Lekel pei ki annan sa sitiasyon ki nou annan isi? Mon



● *Ogilvy Berlouis*

tya kontan lopoziyon tya dir lekel pei ki annan sa sistenm ledikasyon, lasante pour nanryen? Marmmay i al lekol dan bis pour nanryen. Gete kote nou sorti e kote nou'n arive, si ozordi i annan en dimoun ki oule sanz kot nou'n arive, i fou.

Mwan mon en Seselwa ki pa pou kapab war sa bann keksoz arive. I difisil pour sanz sa sistenm. Sa sistenm in al byen. Mon krwar personn pa pou sanz sa rezim.

WAVEL I EN BOUG AROGAN



● Davidson Barra

Mwan mon konn Wavel Ramkalawan tre byen. Mon asir lepep Seselwa si zot fer sa fot e vot pour li konman Prezidan Sesel semenn prosen, sa pou pli gro 'mistake' ki zot pou kapab fer. Sa boug pa pou zanmen kapab vin Prezidan Sesel en zour. I arogan, agresiv e malelve. Menm dimoun ki siport lopoziyon i

annan bokou ki pa pou vot pour li dan sa dezyenm tour vote. Si zanmen dimoun i fer sa fot e vot pour Wavel koman Prezidan nou pei, Sesel pou antre dan sa pli gro trou fernwanr ki ou kapab mazin. En trou ki apre Seselwa pou war li tre difisil pour kapab sorti.

Pandan 10 an ki mwan mon'n travay konman en zournalis kot 'Regar', mon ti war Wavel Ramkalawan preski toulezour. Mon'n vwar son deroule pandan tou sa letan. La mon kapab dir zot ki sa boug i pa konpran e sovaz. Son mank disiplin e konpasyon i enn ki enkwayab. Mon asire ki si Wavel i en zour vin opouvwar, pou napa bann manman ki zot msye in kit zot

avek en ta zanfan ki pou al kot okenn biro pour rod lastistans finansyer. Bokou fwa mwan personelman mon'n war dimoun ki ti son prop siporter ki ti vin tap son laport pour rod en pti lasistans. Me ki Wavel ti fer? Si i ti war zot pe vini dan lwen, i ti al kasyet e dir avek lezot dimoun dan biro

pour dir ki i pa la. Si zot tyonbo li atan e i pa kapab taye pour al kasyet la avek en figir laraz i donn zot en pti larzan avek en ta koze mirak. Zis konman zot vir ledo e ale, la i konmans maltret zot pli ba ki later an servan bann gro gro betiz. Parfwa sete bann manman avek zot pti zanfan dan lebra ki ti anmas sa bann gro zoure.

Mwan konman en dimoun ki ti la dan biro pe fer mon louvraz mon ti 'witness' tousala 'live' avek sagrinasyon lo mon leker. Sa sete menm tretman ki i ti osi rezerve pour sa kantite dimoun ki'n travay avek li e apre degoute e ale. Konbyen 'bodyguard' ki in anploye pandan sa 10 an ki mon'n la Arpan Ver? En ta ek en pake, me napa ki'n tenir lontan. Zot tou apre enpe letan zot ankoler avek son kalite latitid e zot 'resign' an dizan ki si zot reste en zour pou annan krim dan compound Arpan Ver.

Malgre ki Wavel i koz bokou lo lazistis, limenm i en dimoun ki fer en kantite lapliferans. I pa krwar dan donn dimoun keksoz ki i merite. Okontr, i krwar dan donn faver bann ki li i anvi e promot dalon ek galan. Sanmenm sa

ki toultan i annan kankan, lazalouzi e gro ker Arpan Ver. Depi li avek son Roger Mancienne zot bann 'snobs'. Zot pa oule asosye zot avek dimoun ki mizer e zot toultan get dimoun konman bann mandyan. Si Seselwa i get byen SNP zot a trouve ki kalite dimoun ki frekant Arpan Ver e ki kalite ki zot 'welcome' lebra ouver e avek en 'big smile'. Sa ki ti swiv lo televizyon zot tya trouve lekel ki ti pe akonpanyon zot dan biro kot Komisyoner Eleksyon zour 'Nomination Day' e la zot ti a konpran ki mwa pe dir.


Mon'n konn Wavel Ramkalawan de pre e mon'n osi konn James Michel. Ant sa de zonn i napa konparezon. Prezidan Michel i annan lasazes e konpasyon. I en zonn ki brav e kapab pran desizyon letan i nesese. Wavel Ramkalawan i zis en lonbraz sa zonn ki i oule fer dimoun krwar i etc. Arpan Ver pa li ki pran desizyon. I annan lezot dimoun ki fer tou son 'thinking' pandan lannwit. Lannmen bomaten zot vini e dir li ki pou fer. La i ale e konmans rabas bann keksoz ki parfwa limenm i pa ni konpran. Eski se sa kalite Prezidan ki Sesel i bezwen? Definitivman non e se pour sa rezon ki lepep Seselwa pou swazir James Michel ankor enn fwa semenn prosen.

MON SAGREN POUR NOU DIMOUN ORDINER

Mon pa tya swete ki Wavel ek SNP i vin opouvwar e mon pa krwar sa pou arive. Nou pei pou desann an aryer. Tou sa bann bon keksoz ki'n ganny fer ki'n ganny konstrir pour nou e pour nou pep tousala pou ganny detrir kompletman akoz gouvrenman SNP pa pou travay pour lepep parey lepep i fer. En gouvrenman SNP pou travay pour zot pos endividuel. E pou napa okenn harmoni, lape ni stabilite dan nou pei. Sa ki mon'n war dan en lazournen, Dimans, in ase pour dir mwan kimanyer siporter SNP pe azir. Pe antre dan lakour dimoun pe ornen ek zot paviyon. Pe kriy dimoun tou kalite parol.

Zot in zour mon garson ki ti pe debout lo son balkon. Pa zis mwan ki santi sa. Sa touris ki pe war sa dezord parey ki pou arive? Touris i ariv isi akoz stabilite. Nou annan nou pti diverzans me selman touris i vini akoz nou stab. Pei i bon, pei pe progresse- nou pe mars delavan. Avek en gouvrenman SNP nou pou perdi en kantite investiser. Zot pou ale akoz zot pa krwar dan enstabilite. Dimans zot in prouve dan nou pei. Zot in asiz lo lorloz. Sanmenm sa ki nou anvi war? I pou fer en dimal terib dan nou pei. Sesel pa pou byen ditou. Apre serten mwan nou pep pou kriy lasasen. Keksoz pa pou mars parey

i devret pe marse. Mon kosey tou dimoun sirtou nou bann siporter pa zanmen donn nou vot SNP. I pou en gro maler pour nou. I en lot keksoz ki fer mwan dimal se konbyen dimoun dan gouvrenman ki pou ganny viktimize ler SNP pou pran pouvwar? Konbyen sa bann dimoun dan sa gouvrenman ki pou ganny pouse dan sa gouvrenman, kote zot pou al rod travay pour nouri zot fanmiy? Zot in dir zot pou viktimize. Mon pe mazin nou dimoun nou bann dimoun ordiner. Sa bann viktimizasyon pou kree en nespes turmoil dan pei. Mon pa pou dir plis ki sa.



● Marlene Lionnet

James, Alix Michel



60 TENN KA VYOLANS EK DEZORD RAPORTE PAR MANM PIBLIK DIMANS KONT SIPORTER SNP

WAVEL IN RESTE SILANS



● Portre tire lo Facebook

SNP pa'n ganny laviktwar dan Eleksyon le 5 Desanm, malgre sa zot in selebre son lanmen le 6 dan en fason ki'n sok lepep.

Bann siporter SNP dan en motorked dirize par zot dirizan e lezot politisyen dan lopoziyon, in fer en kantite dezord e menm aksyon vyolans kont dimoun ki zot konsider siporter Parti Lepep.

Ka pli grav in ariv Anse Boileau kot zot in pran en siporter Lepep e fwet ater lo kort. I annan landrwa kot zot in anvoy ros dan lakaz dimoun, zoure e ensilte dimoun. Zot in menm balans ros lo lapolis.

Zot in menm ariv ziska obor baro State House avek bi esey vin kree dezord. Serten in asiz anler lo lorloz san okenn respe pou nou bann

moniman nasyonal.

Sa ki malere e ki lepep Seselwa merit met an tet se ki zot lider Wavel Ramkalawan, swadizan en pret pa'n fer okenn zefor ki nou okouran, pour fer son siporter antre se zot e aret fer sa bann dezord e aksyon vyolan. I pa pou sok personn aköz tou dimoun i konnen ki kalite dirizan Wavel i ete. Limenm in plizyer fwa montre nou ki i vyolan e agresiv. I'n deza tap enn son koleg dan Lasanble. I'n zoure e ensilte lezot dimoun an piblik.

Sa boug ki'n deza dir i pa oule vin prezidan aköz dan sa lakwizin lanmans pwalon i so, in ganny met an kour par son prop ser e frer aköz in anpes zot ganny par lo propriyete zot manman.

AVEK EN GOUVERNMAN SNP, FINI POUR SESEL!